

文化教材——論語

一、作者：孔子與弟子、再傳弟子與時人問答之語。非孔子所著。

二、篇章：二十篇，起於〈學而〉終於〈堯曰〉

三、篇名：取每一篇第一章的前兩、三字為篇名。

四、體裁：語錄體。

五、學說：一以貫之——仁，即忠與恕
六、其人：孔子，名丘，字仲尼，生於周靈王廿年（魯襄公二十二年，前551年），出生於魯國。孔子先世可追溯至宋國公室及殷商王室，六代祖叫孔父嘉，是宋國大夫，做過大司馬，在宮廷內亂中被殺，後代為避滅頂之災逃到魯國的鄒邑，從此孔氏在鄒邑定居，變成了魯國人。

孔子父親叔梁紇為鄒邑大

夫。《史記》中說「（叔梁）紇與顏氏女野合而生孔子」。叔梁紇的元配施氏為孔紇添了九個女兒，孔紇望子心切，於是續娶一妾，雖然生了一個兒子名為孟皮，卻腳有殘疾。所以孔紇在七十二歲時三娶十八歲的顏徵在，生孔丘仲尼。

文化教材——論語

一、作者：孔子與弟子、再傳弟子與時人問答之語。非孔子所著。

二、篇章：二十篇，起於〈學而〉終於〈堯曰〉

三、篇名：取每一篇第一章的前兩、三字為篇名。

四、體裁：語錄體。

五、學說：一以貫之——仁，即忠與恕

六、其人：孔子一生為魯國貴族季孫氏做文書、委吏和乘田等小吏，管理倉儲和畜牧。娶宋人為妻，第二年生子。魯昭公派人送鯉魚表示祝賀，該子便名為孔鯉，字伯魚。孔鯉先孔子而死，有遺腹子孔伋，字子思。二十三歲時孔子開始在鄉間收徒講學，學生有顏由（顏回之父）、曾點、冉耕等。

1. 子曰：「學而時習之，不亦說乎？有朋自遠方來，不亦樂乎？人不知而不慍，不亦君子乎？」
2. 有子曰：「其為人也孝弟，而好犯上者，鮮矣；不好犯上，而好作亂者，未之有也。君子務本，本立而道生。孝弟也者，其為仁之本與！」
3. 子曰：「巧言令色，鮮矣仁！」
4. 曾子曰：「吾日三省吾身——為人謀而不忠乎？與朋友交而不信乎？傳不習乎？」
5. 子曰：「弟子入則孝，出則弟，謹而信，汎愛眾，而親仁。行有餘力，則以學文。」

6. 子夏曰：「賢賢易色；事父母，能竭其力；事君，能致其身；與朋友交，言而有信。雖曰未學，吾必謂之學矣。」
7. 曾子曰：「慎終，追遠，民德歸厚矣。」
8. 子曰：「君子食無求飽，居無求安，敏於事而慎於言，就有道而正焉，可謂好學也已。」
9. 子貢曰：「貧而無諂，富而無驕，何如？」子曰：「可也；未若貧而樂，富而好禮者也。」子貢曰：「詩云：『如切如磋，如琢如磨』，其斯之謂與？」子曰：「賜也，始可與言詩已矣，告諸往而知來者。」
10. 子曰：「不患人之不己知，患不知人也。」

11. 子曰：「為政以德，譬如北辰，居其所而眾星共之。」
12. 子曰：「道之以政，齊之以刑，民免而無恥；道之以德，齊之以禮，有恥且格。」
13. 子曰：「吾十有五而志於學，三十而立，四十而不惑，五十而知天命，六十而耳順，七十而從心所欲，不踰矩。」
14. 孟懿子問孝。子曰：「無違。」樊遲御，子告之曰：「孟孫問孝於我，我對曰，『無違。』」樊遲曰：「何謂也？」子曰：「生，事之以禮；死，葬之以禮，祭之以禮。」
15. 子游問孝。子曰：「今之孝者，是謂能養。至於犬馬，皆能有養；不敬，何以別乎。」

16. 孟武伯問孝。子曰：「父母唯其疾之憂。」
17. 子夏問孝。子曰：「色難。有事，弟子服其勞；有酒食，先生饌，曾是以為孝乎？」
18. 子曰：「視其所以，觀其所由，察其所安。人焉廋哉？人焉廋哉？」
19. 子曰：「君子周而不比，小人比而不周。」
20. 子曰：「由！誨女知之乎！知之為知之，不知為不知，是知也。」
21. 哀公聞曰：「何為則民服？」孔子對曰：「舉直錯諸枉，則民服；舉枉錯諸直，則民不服。」

22. 孔子謂季氏，「八佾舞於庭，是可忍也，孰不可忍也？」
23. 子曰：「人而不仁，如禮何？人而不仁，如樂何？」
24. 林放問禮之本。子曰：「大哉問！禮，與其奢也，寧儉；喪，與其易也，寧戚。」
25. 子夏問曰：「巧笑倩兮，美目盼兮，素以為絢兮。何為也？」
子曰：「繪事後素。」曰：「禮后乎？」子曰：「起予者商也！始可與言詩矣。」
26. 子曰：「周監於二代，郁郁乎文哉！吾從周。」
27. 子入大廟，每事問。或曰：「孰謂鄒人之子知禮乎？入大廟，每事問。」子聞之，曰：「是禮也。」

28. 子曰：「君子不器。」

29. 子貢欲去告朔之餼羊。子曰：「賜也！爾愛其羊，我愛其禮。」

30. 子曰：「管仲之器小哉。」或曰：「管仲儉乎？」曰：「管氏有三歸，官事不攝，焉得儉？」「然則管仲知禮乎？」曰：「邦君樹塞門，管氏亦樹塞門。邦君為兩君之好，有反坫，管氏亦有反坫。管氏而知禮，孰不知禮？」

31. 子曰：「里仁為美。擇不處仁，焉得知？」

32. 子曰：「不仁者，不可以久處約，不可以長處樂。仁者安仁，知者利仁。」

33. 子曰：「唯仁者，能好人，能惡人。」

34. 子曰：「富與貴，是人之所欲也；不以其道得之，不處也。貧與賤，是人之惡也；不以其道得之，不去也。君子去仁，惡乎成名。君子無終食之間違仁，造次必於是，顛沛必於是。」

35. 子曰：「朝聞道，夕死可矣！」

36. 子曰：「士志於道，而恥惡衣惡食者，未足與議也！」

37. 子曰：「君子之於天下也，無適也，無莫也，義之於比。」

38. 子曰：「君子懷德，小人懷土；君子懷刑，小人懷惠。」

39. 子曰：「放於利而行，多怨。」

40. 子曰：「不患無位，患所以立；不患莫己知，求為可知也。」

41. 子曰：「參乎！吾道一以貫之。」曾子曰：「唯。」子出。

門人問曰：「何謂也？」曾子曰：「夫子之道，忠恕而已矣。」

42. 子貢問曰：「賜也何如？」子曰：「女，器也。」曰：「何器也？」曰：「瑚璉也。」

43. 子曰：「道不行，乘桴浮于海。從我者，其由與？」子路聞之喜。子曰：「由也好勇過我，無所取材。」

44. 子謂子貢曰：「女與回也，孰愈？」對曰：「賜也，何敢望回？回也，聞一以知十；賜也，聞一知二。」子曰：「弗如也；吾與女，弗如也。」

45. 子曰：「事父母幾諫，見志不從，又敬不違，勞而不怨。」

46. 宰予晝寢。子曰：「朽木不可雕也，糞土之牆不可朽也。

於予與何誅？」子曰：「始吾於人也，聽其言而信其行；

今吾於人也，聽其言而觀其行。於予與改是。」

47. 子路有聞，未之能行，唯恐有聞。

48. 顏淵、季路侍。子曰：「盍各言爾志？」子路曰：「願車馬、

衣輕裘，與朋友共，敝之而無憾。」顏淵曰：「願無伐善，

無施勞。」子路曰：「願聞子之志。」子曰：「老者安之，

朋友信之，少者懷之。」

49. 子曰：「十室之邑，必有忠信如丘者焉，不如丘之好學也。」

50. 子曰：「伯夷、叔齊不念舊惡，怨是用希。」

51. 子曰：「賢哉，回也！一簞食，一瓢飲，在陋巷，

人不堪其憂，回也不改其樂。賢哉，回也！」

52. 子曰：「質勝文則野，文勝質則史。文質彬彬，然後君子。」

53. 子曰：「觚不觚，觚哉！觚哉！」

54. 子貢曰：「如有博施於民而能濟眾，何如？可謂仁

乎？」子曰：「何事於仁！必也聖乎！堯舜其猶病諸！

夫仁者，己欲立而立人，己欲達而達人。能近取譬，

可謂仁之方也已。」

55. 冉求曰：「非不說子之道，力不足也。」子曰：「力不足者，中道而廢。今女畫。」

56. 子曰：「甚矣吾衰也！久矣吾不復夢見周公！」

57. 子曰：「自行束脩以上，吾未嘗無誨焉。」

58. 子曰：「不憤不啟，不悱不發。舉一隅不以三隅反，則不復也。」

59. 子食於有喪者之側，未嘗飽也。子於是日哭，則不歌。

60. 子謂顏淵曰：「用之則行，舍之則藏，惟我與爾有是夫。」

子路曰：「子行三軍，則誰與？」子曰：「暴虎馮河，死而不悔者，吾不與也。必也臨事而懼，好謀而成者也。」

61. 子曰：「富而可求也，雖執鞭之士，吾亦為之。如不可求，從吾所好。」
62. 子在齊聞韶，三月不知肉味，曰：「不圖為樂之至於斯也。」
63. 子曰：「飯疏食飲水，曲肱而枕之，樂亦在其中矣。不義而富且貴，於我如浮雲。」
64. 葉公問孔子於子路，子路不對。子曰：「女奚不曰，其為人也，發憤忘食，樂以忘憂，不知老之將至云爾。」
65. 子曰：「我非生而知之者，好古，敏以求之者也。」
66. 子曰：「三人行，必有我師焉：擇其善者而從之，其不善者而改之。」

67. 子釣而不綱，弋不射宿。

68. 互鄉難與言，童子見，門人惑。子曰：「與其進也，不與其退也，唯何甚？人潔己以進，與其潔也，不保其往也。」

69. 子曰：「仁遠乎哉？我欲仁，斯仁至矣。」

70. 子曰：「若聖與仁，則吾豈敢？抑為之不厭，誨人不倦，則可謂云爾已矣。」公西華曰：「正唯弟子不能學也。」

71. 子曰：「奢則不孫，儉則固。與其不孫也，甯固。」

72. 曾子有疾，召門弟子曰：「啟予足！啟予手！詩云：『戰戰兢兢，如臨深淵，如履薄冰。』而今而後，吾知免夫！小子！」

73. 曾子曰：「士，不可以不弘毅，任重而道遠。仁以為己任，不亦重乎，死而後已，不亦遠乎。」

74. 子曰：「如有周公之才之美，使驕且吝，其餘不足觀也已。」

75. 子曰：「篤信好學，守死善道。危邦不入，亂邦不居，天下有道則見，無道則隱。邦有道，貧且賤焉，恥也，邦無道，富且貴焉，恥也。」

76. 子曰：「學如不及，猶恐失之。」

77. 子曰：「不在其位，不謀其政。」

78. 子曰：「禹吾無間然矣，菲飲食，而致孝乎鬼神；惡衣服，而致美乎黻冕；卑宮室，而盡力乎溝洫。禹吾無間然矣。」

79. 子絕四：毋意，毋必，毋固，毋我。

80. 大宰問於子貢曰：「夫子聖者與！何其多能也？」

子貢曰：「固天縱之將聖，又多能也。」子聞之曰：「大宰知我乎？吾少也賤，故多能鄙事。君子多乎哉？不多也！」

牢曰：「子云：『吾不試，故藝。』」

81. 子曰：「吾有知乎哉？無知也。有鄙夫問於我，空空如也；我叩其兩端而竭焉。」

82. 顏淵喟然歎曰：「仰之彌高，鑽之彌堅，瞻之在前，忽焉在後！夫子循循然善誘人，博我以文，約我以禮。欲罷不能，既竭吾才，如有所立，卓爾；雖欲從之，末由也已！」

83. 子貢曰：「有美玉於斯，韞櫝而藏諸？求善賈而沽諸？」

子曰：「沽之哉！沽之哉！我待賈者也！」

84. 子在川上曰：「逝者如斯夫！不舍晝夜。」

85. 子曰：「譬如為山，未成一簣；止，吾止也！

譬如平地，雖覆一簣；進，吾往也！」

86. 子曰：「後生可畏，焉知來者之不如今也？四十五十而無聞焉，斯亦不足畏也已！」

87. 子曰：「法語之言，能無從乎？改之為貴！巽與之言，能無說乎？

繹之為貴！說而不繹，從而不改，吾末如之何也已矣！」

88. 子曰：「苗而不秀者，有矣夫！秀而不實者，有矣夫！」
89. 子曰：「三軍可奪師也，匹夫不可奪志也。」
90. 子曰：「衣敝緼袍，與衣狐貉者立，而不恥者，其由也與！『不忮不求，何用不臧？』」子路終身誦之。子曰：「是道也，何足以臧！」
91. 子曰：「歲寒，然後知松柏之後彫也。」
92. 孔子於鄉黨，恂恂如也，似不能言者。
其在宗廟朝廷，便便言；唯謹爾。
93. 德行：顏淵、閔子騫、冉伯牛、仲弓；言語：宰我、子貢；
政事：冉有、季路；文學：子游、子夏。

94. 季康子問：「弟子孰為好學？」孔子對曰：「有顏回者好學，不幸短命死矣！今也則亡。」
95. 顏淵死，門人欲厚葬之，子曰：「不可。」門人厚葬之。
96. 子曰：「回也，視予猶父也，予不得視猶子也。非我也，夫二三子也。」
97. 冉有問：「聞斯行諸？」子曰：「聞斯行之！」公西華曰：「由也問『聞斯行諸？』，子曰：『有父兄在』；求也問，『聞斯行諸？』子曰：『聞斯行之』。赤也感，敢問？」子曰：「求也退，故進之；由也兼人，故退之。」

98. 季路問事鬼神。子曰：「未能事人，焉能事鬼？」敢問死？」
曰：「未知生，焉知死？」
99. 子路使子羔為費宰。子曰：「賊夫人之子！」子路曰：「有民人焉！有社稷焉，何必讀書，然後為學？」子曰：「是故惡夫佞者。」
100. 顏淵問「仁」。子曰：「克己復禮，為仁。一日克己復禮，天下歸仁焉。為仁由己，而由仁乎哉？」顏淵曰：「請問其目？」子曰：「非禮勿視，非禮勿聽，非禮勿言，非禮勿動。」顏淵曰：「回雖不敏，請事斯語矣！」
101. 司馬牛問「仁」。子曰：「仁者，其言也訥。」曰：「斯言也訥，其謂之仁矣乎？」子曰：「為之難，言之得無訥乎？」

102. 子路、曾皙、冉有、公西華侍坐。子曰：「以吾一日長乎爾，毋吾以也。居則曰：『不吾知也！』如或知爾，則何以哉？」

子路率爾而對，曰：「千乘之國，攝乎大國之間，加之以師旅，因之以饑饉，由也為之，比及三年，可使有勇，且知方也。」夫子哂之。

「求，爾何如？」對曰：「方六七十，如五六十，求也為之，比及三年，可使足民；如其禮樂，以俟君子。」

「赤，爾何如？」對曰：「非曰能之，願學焉！宗廟之事，如會同，端章甫，願為小相焉。」

「點，爾何如？」鼓瑟希，鏗爾，舍瑟而作。

對曰：「異乎三子者之撰。」子曰：「何傷乎？亦各言其志也。」

曰：「莫春者，春服既成；冠者五六人，童子六七人，浴乎沂，風乎舞雩，詠而歸。」夫子喟然歎曰：「吾與點也！」三子者出，曾皙後。

曾皙曰：「夫三子者之言何如？」子曰：「亦各言其志也已矣！」曰：「夫子何哂由也？」曰：「為國以禮，其言不讓，是故哂之。」「唯求則非邦也與？」「安見方六七十，如五六十，而非邦也者。」「唯赤非邦也與？」「宗廟會同，非諸侯而何？赤也為之小，孰能為之大！」

103. 子曰：「片言可以折獄者，其由也與！」子路無宿諾。

104. 子曰：「君子成人之美，不成人之惡；小人反是。」

105. 季康子問政於孔子，孔子對曰：「政者，正也，子帥以正，孰敢不正？」

106. 季康子問政於孔子曰：「如殺無道，以就有道，何如？」孔子對曰：「子為政，焉用殺？子欲善，而民善矣！君子之德風；小人之德草；草上之風必偃。」

107. 曾子曰：「君子以文會友；以友輔仁。」

108. 子貢問「友」。子曰：「忠告而善道之，不可則止，毋自辱焉。」

109. 子曰：「誦詩三百；授之以政，不達；使於四方，不能專對；雖多，亦奚以為？」

110. 葉公語孔子曰：「吾黨有直躬者：其父攘羊而子證之。」孔子曰：「吾黨之直者異於是：父為子隱，子為父隱，直在其中矣。」

111. 子貢問曰：「何如斯可謂之士矣？」子曰：「行己有恥；使於四方，不辱君命；可謂士矣。」曰：「敢問其次？」曰：「宗族稱孝焉，鄉黨稱弟焉。」曰：「敢問其次？」曰：「言必信，行必果；硜硜然，小人哉！抑亦可以為次矣。」曰：「今之從政者何如？」子曰：「噫！斗筭之人，何足算也！」

112. 子適衛，冉有僕。子曰：「庶矣哉！」冉有曰：「既庶矣，又何加焉？」曰：「富之。」曰：「既富矣，又何加焉？」曰：「教之。」

113. 子路問「政」。子曰：「先之，勞之。」請益。曰：「無倦。」

114. 子曰：「不得中行而與之，必也狂狷乎？狂者進取，狷者有所不為也。」

115. 子曰：「君子和而不同；小人同而不和。」

116. 子貢問曰：「鄉人皆好之，何如？」子曰：「未可也。」
「鄉人皆惡之，何如？」子曰：「未可也。不如鄉人之善者好之，其不善者惡之。」

117. 子曰：「苟有用我者，期月而已可也，三年有成。」

118. 子曰：「剛、毅、木訥，近仁。」

119. 子貢曰：「管仲非仁者與？桓公殺公子糾，不能死，又相之。」

子曰：「管仲相桓公，霸諸侯，一匡天下，民到于今受其賜。微管仲，吾其被髮左衽矣！豈若匹夫匹婦之為諒也，自經於溝瀆，而莫之知也！」

120. 子路曰：「桓公殺公子糾，召忽死之，管仲不死。」曰：「未仁乎！」子曰：「桓公九合諸侯，不以兵車，管仲之力也。如其仁！如其仁！」

121. 子曰：「不患人之不己知，患其不能也。」

122. 子曰：「君子道者三，我無能焉：仁者不憂；知者不惑；勇者不懼。」子貢曰：「夫子自道也！」

123. 或曰：「以德報怨，何如？」子曰：「何以報德？以直報怨，以德報德。」

124. 子路宿於石門。晨門曰：「奚自？」子路曰：「自孔氏。」曰：「是知其不可而為之者與？」

125. 在陳絕糧。從者病，莫能興。子路慍見曰：「君子亦有窮乎？」子曰：「君子固窮；小人窮斯濫矣。」

126. 子曰：「賜也，女以予為多學而識之者與？」對曰：「然，非與？」曰：「非也！予一以貫之。」

127. 子貢問「為仁」。子曰：「工欲善其事，必先利其器。」

居是邦也，事其大夫之賢者，友其士之仁者。」

128. 子曰：「躬自厚，而薄責於人，則遠怨矣！」

129. 子曰：「群居終日，言不及義，好行小慧；難矣哉！」

130. 子曰：「君子病無能焉，不病人之不己知也。」

131. 子曰：「君子疾沒世而名不稱焉。」

132. 子曰：「君子求諸己；小人求諸人。」

133. 子曰：「君子不以言舉人；不以人廢言。」

134. 子貢問曰：「有一言而可以終身行之者乎？」

子曰：「其恕乎！己所不欲，勿施於人。」

135. 子曰：「人能弘道，非道弘人。」

136. 子曰：「吾嘗終日不食，終夜不寢，以思；無益，不如學也。」

137. 師冕見。及階，子曰：「階也！」及席，子曰：「席也！」

皆坐，子告之曰：「某在斯！某在斯！」師冕出，子張問曰：

「與師言之道與？」子曰：「然，固相師之道也。」

138. 子曰：「君子不可小知，而可大受也；小人不可大受，而可小知也。」

139. 孔子曰：「益者三友，損者三友；友直，友諒，友多聞；益矣。友便辟，友善柔，友便佞損矣。」

140. 孔子曰：「君子有三戒；少之時，血氣未定，戒之在色；及其壯也，血氣方剛，戒之在鬥；及其老也，血氣既衰，戒之在得。」

141. 陳亢問於伯魚曰：「子亦有異聞乎？」對曰：「未也。嘗獨立，鯉趨而過庭。曰：『學詩乎？』對曰：『未也。』『不學詩，無以言！』鯉退而學詩。他日，又獨立，鯉趨而過庭。曰：『學禮乎？』對曰：『未也。』『不學禮，無以立！』鯉退而學禮。聞斯二者。」陳亢退而喜曰：「問一得三：聞詩，聞禮。又聞君子遠其子也。」

142. 子曰：「禮云禮云！玉帛云乎哉！樂云樂云！鍾鼓云乎哉！」

143. 孔子曰：「生而知之者，上也；學而知之者，次也；困而學之，又其次也。困而不學，民斯為下矣！」

144. 子之武城，聞弦歌之聲，夫子莞爾而笑曰：「割雞焉用牛刀？」子游對曰：「昔者，偃也聞諸夫子曰：『君子學道則愛人；小人學道則易使也。』」子曰：「二三子！偃之言是也；前言戲之耳！」

145. 子曰：「鄉原，德之賊也！」

146. 子曰：「巧言令色，鮮矣仁。」

147. 子曰：「予欲無言！」子貢曰：「子如不言，則小子何述焉？」子曰：「天何言哉！四時行焉，百物生焉；天何言哉？」

148. 孺悲欲見孔子，孔子辭以疾，將命者出戶，取瑟而歌，使之聞之。

149. 宰我問：「三年之喪期已久矣！君子三年不為禮，禮必壞；三年不為樂，樂必崩。舊穀既沒，新穀既升；鑽燧改火，期可已矣。」

子曰：「食夫稻，衣夫錦，於女安乎？」曰：「安！」

「女安則為之！夫君子之居喪，食旨不甘，聞樂不樂，居處不安，故不為也。今女安，則為之！」宰我出。

子曰：「予之不仁也！子生三年，然後免於父母之懷。夫三年之喪，天下之通喪也；予也，有三年之愛於其父母乎？」

150. 長沮桀溺耦而耕。孔子過之，使子路問津焉。長沮曰：「夫執輿者為誰？」子路曰：「為孔丘。」曰：「是魯孔丘與？」曰：「是也。」曰：「是知津矣！」問於桀溺，桀溺曰：「子為誰？」曰：「為仲由。」曰：「是魯孔丘之徒與？」對曰：「然。」曰：「滔滔者，天下皆是也，而誰以易之？且而與其從辟人之士也，豈若從辟世之士哉？」耰而不輟。子路行以告，夫子憮然曰：「鳥獸不可與同群！吾非斯人之徒與而誰與？天下有道，丘不與易也。」

151. 子夏曰：「雖小道，必有可觀者焉；致遠恐泥，是以君子不為也。」

152. 子夏曰：「日知其所亡，月無忘其所能，可謂好學也已矣！」

153. 子夏曰：「小人之過也必文。」

154. 孟氏使陽膚為士師，問於曾子。

曾子曰：「上失其道，民散久矣！如得其情，則哀矜而勿喜。」

155. 子貢曰：「紂之不善，不如是之甚也。」

是以君子惡居下流，天下之惡皆歸焉。」

156. 衛公孫朝問於子貢曰：「仲尼焉學？」

子貢曰：「文武之道，未墜於地，在人。」

賢者識其大者，不賢者識其小者，莫不有文武之道焉。

夫子焉不學，而亦何常師之有！」

157. 叔孫武叔語大夫於朝曰：「子貢賢於仲尼。」子服景伯以告子貢。子貢曰：「譬之宮牆：賜之牆也及肩，窺見屋家之好；夫子之牆數仞，不得其門而入，不見宗廟之美，百官之富。得其門者或寡矣！夫子之云，不亦宜乎！」

158. 叔孫武叔毀仲尼。子貢曰：「無以為也！仲尼不可毀也。他人之賢者，丘陵也，猶可踰也；仲尼，日月也，無得而踰焉。人雖欲自絕，其何傷於日月乎？多見其不知量也！」

159. 陳子禽謂子貢曰：「子為恭也，仲尼豈賢於子乎？」

子貢曰：「君子一言以為知，一言以為不知，言不可不慎也！夫子之不可及也，猶天之不可階而升也。」

160. 子曰：「其言之不忤，則為之也難！」
161. 子曰：「古之學者為己；今之學者為人。」
162. 子曰：「士而懷居，不足以為士矣！」
163. 子曰：「學而不思則罔，思而不學則殆。」
164. 子曰：「溫故而知新，可以為師矣。」
165. 廋焚，子退朝，曰：「傷人乎？」不問馬。